

¡BOMBA!

Cuando hay empleos reales
se hace menos el relajo:
hay más puestos de trabajo
y son menos informales



K'untzil

Jueves 4 de septiembre de 2025

CAMPECHE · YUCATÁN · QUINTANA ROO · AÑO 11 · NÚMERO 2557 · www.lajornadamaya.mx

U kúuchil Museo Maya de Cancún yaan u wu'ulabtik e'esajil yóok'la! u yúuchben kaajil Cobá

/ p 19
Oochel INAH



Te'el k'iina', 4 ti' septiembree', tu kúuchil Museo Maya de Cancún, chúun jump'ée! e'esajil ku k'aaba'tik Cobá: *a más de 50 años de investigación arqueológica*. Le je'ela' múul meyajta'ab ichil Instituto Nacional de Antropología e Historia (INAH), yéetel Boundary End Archaeology Research Center (BEARC, yóok'olal bix u k'aaba' ich inglés'), beyxan Centro INAH Quintana Roo yéetel u delegaciónil u kaajil Cobá.

E'esajile' ku chiikbesik maanal chúumuk siglo xaak'al beeta'ab ti' jump'ée! maaya kaaj jach k'a'anan, yanchaj tu xamanil u baantail costa

oriental ti' u petenil Yucatán, jach kuxlaj ichil u ja'abilo'ob 300 yéetel 1000 d.C., tu'ux yanchaj sak bejo'ob ku náachtal tak 100 kilómetros, yéetel ku k'uchul tak tu kaajil Yaxuná, naats' Chichén Itzá.

Walkil 50 ja'abo'ob paachile', u meyajil Proyecto Arqueológico y Topográfico de Cobá, jo'olbesa'ab tumen George Stuart yéetel William Folan, káaj yéetel xaak'alo'ob. Ba'ax chiikpaje' yaan u béeytal u k'ajóolta'al te'el túumben e'esajila', curarta'ab tumen máax jo'olbesik BEARC, Nelda Issa Marengo Camacho, yéetel tumen x-xaak'al xook María José

Con Uribe, máax ts'o'ok maanal 30 ja'abo'ob káajak u meyaj tu yúuchben kaajil Cobá.

Beyxan, yaan u ye'esa'al u yoochel máaxo'ob kaja'an ka'ach Cobá, ts'o'oke' tsikbalnajo'ob yéetel arqueólogos te'el yáax ja'abo'ob meyaj úuchik u káajal xaak'al te'el kaajo'. Yaan xan u béeyta'al u xóoxoot' bonil pak'o'ob, beyxan úuchben ts'íib beeta'ab ti' tuunich te'elo'.

Ti'al u chúunul e'esajile', yaan u beeta'al tse'ek tumen u ajxaak'alil Universidad de Texas en Austin yéetel máax jo'olbesik BEARC, David Stuart. U k'aaba' tsikbale': *titulada Reyes y reinas del antiguo*

Cobá. Ka'ach tu paalile', jxaak'ale' kajlaj Cobá yéetel u láak'o'ob, ichil u ja'abilo'ob 1974 yéetel 1975, tu'ux káaj u yutstal tu yich arqueología, ka'alikil waxakp'ée! u ja'abil.

Beyxan ti'al u beeta'al e'esajile', táan u táakpajal u jo'olpóopil kaaj yéetel kajnáalo'ob. Yaan u béeytal u yila'al tak le 2 ti' noviembre ku taala', tu kúuchil Museo Maya de Cancún, kéen ts'o'oke' yaan u biinsa'al Mexican Cultural Institute de Washington D. C., tu'ux yaan u p'aatal desde octubre ti' le 2025a' tak tu chúumukil enero 2026, yéetel yaan u k'ujsa'al Cobá tu winalil diciembre ti' u ja'abil 2026.